

ceres, & quim in ea quid suæ mentis explicasset, custodiæ mandatur. Quod in futuros vñsus pecuniam conferri Cæsar postulauit, ordines, et si graue sibi esse dicereant, approbarunt. Ferdinandu quoque regi in singulos induciarum annos aureorum millia centena promittunt: sed à Cæsare petunt inuicem, ut præsidia deducat, & copias militum huc illuc dispositas, quæ passim per agros & oppida plurimum dāni dent, rebus iam pacatis dimittat, & miseros homines, quorū magnæ sint querimoniae, reficiat. Cæsar causas ait subesse graues, cur in hoc tempore militem exauthorare non pos sit: ad damnum verò datum quod attinet, illud, se quidem consecio, minimè fieri. Ut Cameram Cæsar hoc tempore pro suo arbitratus constituat, & supplementi loco iudices adiungat, ordines ei permittunt, & sumptum ipsi pollicetur

LIBER XXI.

Vltima die Iunii fit cōm̄tiōrum finis. Libro decimo nono diximus, quēadmodū Cæsar omnibus persuaserit, vt cōcilio se submittarent, idque sua fiducia, quāllatutus esset operā, vt legitima sit actio. Nūc ergo fit decretum, Tridēti continuandū esse cōciliū, seq; euraturū Cæsar promittit, vt quāprimum ibi redintegretur. Quod quum factū erit, postulat ut omnes, Ecclesiastici præsertim, & cōfessionis Augustanae socii, publicā fide, quam sit eis
præxi-

præstiturus, eò veniant. Futurū enim, vt piè & Christianè, iuxta sacras literas & Patriū doctrinam, res agatur omnis & definiatur, depositis affectibus: & vt ipsi, quantū satis est, audiātur. Pòst, alia recitātur decreta, sicuti fieri solet, imprimis illud de religione: grauibúsq; verbis mādatur, vt omnes obtemperent, sicut Idibus Maii pronuntiatū fuisse diximus. Authores libri treis antea nominauimus: ex iis Ioānes Islebius liberale donū à Cæsare simul & Ferdinādo rege tulit, ob nauatā operam. Michael verò Sidonius episcopatū Merseburgēsem in Saxonia deinde est cōsecutus. Hinc iocus illorū, qui chrisma dicebant ab eis & oleū pontificiū inter alia defendi, veluti rem sacrā & saluti necessariā, vt ipsi nimirūm discederet vñctiores. Faūti decreti fama longè latēque mox dissimilata fuit. & Veneti quidē decimo nono die Iu
Edictum
venetorum lii editio cauēt, vt qui libros habēt, in quibus aliquid sit per scriptū cōtra fidē catholicā, intra diē octauū perferant ad certos homines: nā postea fore vt inquiratur, & in eos, qui meriti sint, vindicetur: delatoribus verò silentium & donum pollicentur. Habet perpetuos ibi legatos Pontifex, vt in regum aulis etiam. Hi multorum oculis & auribus vident & audiunt, & sāpe sunt authores, vt eiusmodi decreta fiant. Sed tamen hac vtitur cautione senatus Venetus, vt Episcopis aut inquisitoribus pontificiis minimè permittat iudiciū,

sed adhibeat semper locorum præfectos & iuris
 reconsultos, qui testimonia cognoscant, & pro-
 uideant, ne quid improbè vel auarè commit-
 tatur in suæ ditionis homines. Legem hanc
 tulerunt anno M.D.XXI. quum in agro Bri-
 xiano quæsitores illi valde sœuirrent in miser-
 roribus homines, quasi veneficos, & cum Sathanæ
 cōmerciū habentes. Nunc autem, postquam
 longè latēque radices egit Lutheri doctrina,
 valet eadem lex, vtcunque Pontifices fremat,
 eāmque velint abrogari. Hoc ferè tēpore Gal-
 liæ rex copias auxiliares in Scotiam mittit ad-
 uersum Anglos, & in his Germanos, ductore
 Ringraui. Belli Germanici historiam, quod
 Cæsar gessit, in lucem ad hoc tēpus emisit Lu-
 douicus Auila, Hispanus, lingua populari con-
 scriptam. Quanquam Cæsar acerrimis verbis
 edixerat, ne quis editum de religione librum
 ullo modo impugnaret, varia tamem exierunt
 scripta, quæ totam eius doctrinam damnabat,
 & homines, vt ab eo, tanquam à præsentissi-
 ma peste sibi cauerent, admonebant. Legatum
 Cæsar ad Noribergenses & quoddam alios mi-
 serat, qui decretum factum eis persuaderet.
 Quum is in ea profectiōne venisset ad Saxo-
 nię ducis captiui filios, idem egit: sed illi con-
 stanter negabant: ad Cæsarem ergo reuersus,
 rem omnem exponit. Itaque captiuum prin-
 cipem Cæsar denuò solicitat, dēque filiis ip-
 sius queritur, quod & decretum nuper factum
 repu-

filiorū ca-
 piū ducis
 cōstans pie
 jas.

repudient, & illud oppugnari tum scriptis tum
concionibus permittant. Petit igitur agat cum
illis, vt de vtroque sibi satisfaciāt. Ad hæc ille
quāobrem editi libri doctrinam ipse non pro-
bet, nuper se demonstrasse Grāuellano & At-
trebatensi. Quod quum ita sit, nō se posse filiis
esse authorem, vt quod ipse pacata consciētia
facere nequeat, hoc illi faciant. Orare se plu-
rimum, vt boni consulat, & se suōsque liberos
tueatur. Hæc illius constantia, & in rebus ad-
uersis animi fortitudo singularis, magnum ei
conciliauit amorē passim apud omneis. Quē
admodum in Saxonia Bremenses & Magde-
burgici, sic in Germania superiori, soli Con-
stantienses, Heluetiis vicini, nondum erant re-
conciliati Cæsari: sed publica tandem accepta
fide, legatos Augustam mittunt, pacificandi
causa. Cæsar leges fert admodum duras, & in
his etiam, vt librum euulgatum recipient, ex
eoque religionem constituant. Legati condi-
tiones sibi mitigari petunt: sed id frustrā fuit,
& intra certum diem iubentur respondere. Au-
gusti mensis die tertio, Cæsar consules & om-
nen senatum Augustanum, & è præcipuis ci-
uibus nonnullos ad se vocat, & multis è senatu
motis, nouos allegit pro suo arbitrio. Tribus e-
tiam simul abrogat, & capite sanctit, ne qua ci-
uum deinceps conuenticula fiant atque socie-
tates: & literas omneis, quibus tribuum iura
continentur atque priuilegia, nouo Senatui

Dux capti
uus omni-
bus ama-
bilis.

Cæs. quos
ruli in Se-
natū An-
gust. alle-
git.

mox exhiberi, & hanc Reipublicæ formam
voce præconis publicè pronuntiari iubet, &
ne quis eam impugnet, vitæ periculo denun-
tiat. Legatis Constantiensium Cæsar huius
mensis die quinta primùm respondet per A-
trebatensem episcopum, & infecta re dimis-
tit, & quia de pace non magnopere sollicitos
esse videbat, rationē aliquam initurum se di-
cit. Eodem die, Hispani, quos in oram illam
commigrasse diximus ad tria millia peditum,
Constantiam petunt, & Vberlinga de nocte
profecti, pars per syluam iter faciunt, ut pri-
maluce, quo tempore concionem in templis
haberi sciebant, urbem inuaderent, pars in
sylua remansit, occasionem expectans. Sed
ecce, quum iam luceret, Hispani, parietem
constrūtum ex materia, qui medium fossam
diuidebat, machinis prosternunt, & per fos-
sam tunc propè siccām, in oppidanos excubi-
tores confertim irruunt. Mox etiam illi, quos
in sylua remansisse diximus, accurrunt, & vi-
 magna portam vnam refringunt. Sed fortissime
ciues dimicabant, & tormentis rem agunt,
interfecto duce Alfonso Viue, statim
in primo congressu. Quum verò tantæ mul-
titudinis impetum vix ægrè sustinerent, pau-
latim retrocedunt, & in ponte Rheni diu mul-
tumque configunt, & vix tandem in urbem
recepti, quum hostes portam valide concu-
terent, tormentis maioribus eos petunt ex

mœni-

*Hispani
clam pe-
tunt Con-
stantiam.*

*Constan-
tiae
expugna-
tio.*

m̄enibus atque portis, & multos interficiunt. Quum hostile signum daretur Constantiæ, sicuti fieri solet, Heluetii vicini sumptis armis accurrebant, sed præfectus regionis, qui tum erat Lucernensis, maxima denuntia ta pena reuocabat eos, nimirum odio religionis.

Postquam illa via, quam diximus, non succedit, Cæsar diuulgatis literis Constantiæ proscriptis proscriptis. Ibi cœptum est agi tumultuosius in vrbe. Nam & recentis periculi memoria, & futuræ calamitatis expectatio vehe- menter eos angebant, præsertim quum nihil humani præsidii vel opis appareret. Erant in numero ciuium nonnulli, qui vocibus odiosis hæc omnia exagitabant. Senatus igitur horum importunitate coactus, principes aliquot & Heluetios quoque per literas orat, ut ad Cæsarem intercedant.

Hi missa legatione, de Cæsaris animo perquirunt, ferre ne possit intercessionem: si mulorant, vt clementer eos tractet. Cæsar autem sicillis respondet, vt facile viderent, non ei gratum fore. Nam, quod in proscriptorum gratiam aliquid facere velint, valde sibi mirum esse dicebat. Itaque multi, qui religionis immutationem non probabant, aliò lese conferunt. In his erat Ambrosius Blauperterus Ecclesiæ præcipuus ibi minister. Lin-sius Blau-daienses, qui sunt contrà Constantiam, Ambro-
verus solù
Z.ii.

ad alteram partem lacus, masculè quidem ante Cæsari responderant: nunc autem vicino territi exemplo, decretum & ipsi recipiunt. Cæsar Augusta profectus, relicto ibi præsidio,

Vlmē sena-
tus muta-
tus.

Reipublice & mutatę causa religionis, cum re liquis copiis Vlmam petit. Eò quum venisset, senatum abrogat, & nouum instituit, & Eccle-

Frechtus
in vincula
coniectus.

siæ ministros, in quibus erat Martinus Frechtus, eò quod religionis decretum repudia- rent, custodiæ mandari iubet. Fuit hoc Augu-

sti die XVI. Detenti per quatriduum in vrbe, quinto die, quum Cæsar illinc abiret, reuincti catenis, vti diximus, & impositi currui, deue- huntur Kirchenum, stipati circiter ducentis Hispanis. Cæsar non diu Spiræ commoratus, quum Moguntiam venisset, secundo flumine

Saxo &
Lantgra-
nius capi-
tu abducti.

Rheno descendit in inferiorem Germaniam, & Saxonē atque Lantgrauium, qui Hala Sue- uorum nuper adductus erat, quum eius vxor denuò esset deprecata, captiuos abducit, diuer-

Constan-
tieses Au-
striace do-
mui se de-
dunt.

sis nauibus impositos. Constantienses nuper proscripti, quum in magnis essent angustiis, neque salutis viam ullam viderent, ad extre- mum perfugium decurrunt, & Austriacæ domui sese dedunt in perpetuum. Ferdinandus

igitur in suam tutelam eos recipit, & mox præfectum eò mittit ex nobilitate quendam. Post hæc, ministris Ecclesiæ mandatur omnibus, vt intra diem octauum vrbe excedant. Hoc men- se, Mauricii Saxoniarū ducis frater Augustus, in

matri-

matrimonium dicit Christiani Daniæ regis filiam, Annam. In pactis dotalibus conuenit, ne quid bonorum Ioannis Friderici, verùm ex patriis bonis, Mauricius hæreditatem ei daret.

*Augustus
vxorem
ducit.*

Erat id téporis magna seditio per Aquitaniam, propter salinas & vēctigalia. T otius autem regionis principatum obtinet Burdegala, vrbs ampla & copiosa & maritima, quæ ditio-
nis Anglorum aliquando fuit. Hi cumprimis etiam rebellabant, & præfectum regium truci-
dauerant. Q uum igitur ad exemplum & ma-
gnūm periculum ea res pertineret, Galliæ rex,
Connestablio & Aumalio ducesq; ibus, copias
eò mittit, peditum signa XXXI. His ingressis
ad horrendam lanienam ventum est, nec enim
vno supplicij genere sublati fuerūt. Est in agro
Patauino Citadella oppidū. Hic ciuis quidā,
homo forensis & causidicus valde exercitatus,
Franciscus Spiera, incredibili quodam ardore
cœpit cōplete puriorem doctrinam: & quum
in dies magis atq; magis proficeret, accusatus
apud Legatum Pontificium, quę dixerat re-
cantare iussus est. Verūm non multò pōst in
xgritudinē incidit, tum animi tum corporis,
dēque misericordia Dei cœpit desperare. Ne-
que iam cibum amplius capere volebat: &
quum per vim ingereretur, subinde respuit.
Atque ita miser in eo statu ac desperatione
vitam finiit. Decumbenti Patauii, frequens
assedit consolator inter alios Petrus Paulus

*Sediō
Burdegā-
le.*

*Lanien.
quam Bur-
deg. Con-
nest. exer-
cuit.*

Vergerius Episcopus Iustinopolitanus, quod est in Istria Venetorum ditionis oppidum. Quomodo Clemens atque Paulus pontifices, opera Vergerii sint vni per Germaniam demonstratum est. Verum postea à Pontificatu Romano defecit, dum Protestantium libros (in quos stylum exerere instituerat) sedulo euolueret: & tunc planè constituit, relicta patria, posthabitisque rebus omnibus, in voluntarium exilium abire potius, & eō proficiisci, vbi Christum liberè profiteri posset. Quod paucos deinde post menses fecit, & ex agro Bergomati profectus, ad vicinos Rhœtos peruenit.

De Gallis antè diximus, qui per estatem Scotis auxilio profecti fuerunt: hi tandem mortui regis filiolam Mariam, vnicam hæredem, sex annorum pueram, in Galliam abducunt, ut eius consequendæ spem omnem Anglis adimerent. Philip-

pus Cæsarialis filius, tunc XXI. annorum iuuenis, euocatus à patre, ad iter sese comparat, relicto ibi patruele sororio, qui per suam absentiam Reipublicæ præcesset. Hoc tem-

pose motus fuerunt per Aphricam. nam Zeriphius quidam, à paruis, vt aiunt, initiosis auctus, & regnum adeptus, vicinum regem Ecsanum, finibus expulit, qui post ad Cæsarem venit Augustam, de sua fortuna conquerens, & opem implorans.

De

Heres
Scotia in
Gallia abducta.

Cæsarialis
filii in
Belgiū na-
vigatio.

Motus in
Africā.
M.D.
XLIX.

De Magdeburgicis antè diximus, quomo-
do Cæsar eos proscripterit: cùm autem decre-
tum religionis nuper euulgatum repudiarent,
aucta fuit offensio. Sic ergo nouis edictis Cæ-
sar in eos agit, & in prædam omnibus obiicit,
& vicinos Principes ac ordines grauiter mo-
net, vt bellum eis faciant, & quacunque ra-
tione possint, noceant.

Angliae status in hoc tempore cœpit esse *Tumultus
in Anglia.*
turbulentus. Is quem diximus Regis auun-
culus, & regni protector Eduardus Somer-
setus, fratrem habebat Germanum Amira-
lum: de quo suspicionem concepit, aut sibi
persuaderi passus est, quasi regnum affecta-
ret, & Regem vellet in suam redigere pote-
statem. Itaque comprehendi iubet, & habi-
ta quæstione, capit isse damnatur, & Martii
die vigesimo securi percutitur.

Archiepiscopus Cantuariensis, Thomas
Crammerus Angliae primas, vir excellenti
doctrina, totus in hoc erat, vt studia literarum
aque pietatis excitaret. Cùm ergo statum
Germaniaz & doctorum hominum ibi peri-
culum videret, crebris literis Bucerum im-
primis & Paulum Fagium, Hebraicæ linguæ
peritissimum, solicitabat, vt in Angliam ve-
nirent, omnem amorem atque fidem eis pol-
licitus. Itaque de assensu & voluntate Se-
natus calendis Aprilis iter ingrediuntur, vt
ibi sementem puræ doctrinæ facerent.

Calendis Aprilis Philippus Austriacus amplissima cum pompa Bruxellam, vbi pater erat, ingreditur. Quum per fines Mauricii res ad mutationem videretur spectare religionis, Lubecenses, Luneburgenses, Hamburgenses Ecclesiæ ministri, euulgato scripto librum & decretum Augustanum prolixè confutant. Eius verò scripti potissimum erat author Ioannes Epinus. Deinde doctores Magdeburgici, Nicolaus Anstorffius, & imprimis Mathias Flacius Illyricus Albona vrbe natus, & Nicolaus Gallus, grauiter sese Wittembergicis atque Lipsensibus opponunt: & multis editis libellis eos incusant, quasi dissimulan-

Adiapho- ter agant, & per adiaphora seu res medias porrū peri- ficiæ religioni viam aperiant. Hanc deniculum & impetas. que regulam ponunt, Omnes ceremonias atque ritus, quantunuis natura sint indifferentes, non amplius esse adiaphora, quum vis & opinio cultus, & necessitas accedit, & quum impietatis datur occasio. Pontifex tres Episcopos miserat, qui in hæresim lapsos in gratiam reciperent per Germaniam. Hanc Pontificis largitionem vel indultum, vt ipsi vocāt, Cæsar ilicò mittit ad episcopos Germanos, vt leniter atque placidè rem agant, vtque blandiis, exhortationibus, precibus, omnia prius quam execrationibus atque minis experian-

Mogunt. tur, pro se quenque separatim omneis monet.
ad Lant. Moguntinus ergo cùm ad alios tum ad Lant-
gravia-

uianos præfectos & consiliarios dat literas, &
de sua sollicitudine pastorali, déque Cæsar is fi
de & diligentia multa locutus, petit, vt Eccle
siæ ministris formulam istam à Pontifice mis
sam exhibeant, eisque iubeant parere. Concio
natores interpellati, doctrinam suâ cum Pro
phetarum & Apostolorum doctrina conueni
re: vitam quidem ipsam non respondere pro
fessioni, sed tamen doctrinæ nullum se dicunt
errorem agnoscere. Quamobrē nihil opus ha
bere indultu Pontificis. Coniugium sese præ
tulisse impuro cœlibatui iuxta verbum Dei,
neque posse liberos & vxores deserere, quos
Christus ipse iubeat omni amore, fide ac be
nevolentia complecti. Quod ipsorum ecclæ
siæ Cœnam Domini percipient integrum, id
fieri iuxta Christi mandatum & veteris Eccle
siæ morem: nec esse quod in eo mutationem
villam admittant. Maio mense disputationarunt
Oxoniæ palam Petrus Martyr & eius acade
mia theologi, de Cœna Domini, déque præ
sentia corporis Christi. Post editus fuit eius
rei liber, in quo præfetti disputationis man
datu Regis adhibiti, non obscurè significant
Martyrem in eo certamine superiore exti
tisse.

De conuentu Lipsensi dictum est antea. *Lipiensis*
Quum vero pontificiam religionem non-
nulli dicerent & quererentur paulatim in
staurari, Mauricius die quarta Iulii, datis li
bis

teris ad suos præfectos, audire se dicit esse mul-
tos, qui partim nimia quadā solicitudine, par-
tim ab aliis ita persuasi, metuāt, ne veteres er-
rores pedetentim restituantur. Ab hac autem
criminatione non esse prorsus alienos aliquot
Ecclesiæ ministros, & quosdam alios rerū no-
uarum cupidos, & irrequietæ mētis homines.

*Seditio in
Anglia.*

Per Angliam hoc tempore fuit orta dupliciti
nomine seditio popularis. Vna propter rem
agrariam. Querebantur enim vulgo nobilita-
tem occupasse magnam agrorum partem, qui
promiscuæ multitudinis antea fuissent, & ad
ferarum saltus accommodasse priuatos. Alteri
per Deuoniam idem petebant: sed imprimis
offensi mutatione religionis, volebant sex illa
regis Henrici de religione decreta, de quibus
libro XII. diximus, restituī. Cūm igitur ad ar-
ma concurrerēt, & magni res esset periculi, nec
admonitiones locum haberent ullum, Rex &
consiliarii, licet inuitissimi, copias in illos e-
mittunt, & diuersis locis profligant, milibus
aliquot trucidatis. Hanc speculatus occasiōne

*Gal. rex
Angl. que-
dam eripit*

Galliae rex, qui iāpridem inhiabat amissæ Bo-
loniæ, castella quædam & arcæ ad oram illam
maritimam inter Boloniæ atque Caletum,
partim vi partim deditio[n]e capit, eaque ratio-
ne milites præfidiarios Boloniæ, in maximas
difficultates & angustias coniicit. Grauissimè
tulerunt hunc casum Angliæ proceres: & quia
summā rerū obtinebat protector Regis auñcu-
lus, in ipsū deriuata fuit omnis culpa, quod nō

in tempore munisset loca rebus necessariis. Hac
in dies auge sc̄ete criminazione & inuidia, pro-
tector initio mensis Octob. de cōmuni cōsilio
procerū, Vindesore captus, vbi tum Rex erat,
Londinum in carcerem abducitur. Interea
dū Gallus hæc molitur in Anglos, Cæsar per
Flandriam & Hannoniam & Atrebates filiū Cæs. Bel-
circunducit, in eiūsque fidem populum adigit gas filio
per iuslurandum. Pōst, Antuerpiam simul am- dare fidem
bo redeunt sub idus Septembris. Permitten- cogit.

te ergo Cæsare, deliguntur singuli arbitri, qui
inter Argentinenses ciues & vrbis Episcopū
intercedant. Decima pōst die Nouēb. è vita
decedit Paulus tertius Pontifex, quum ageret Paul. Pōst.
annū LXXXII. Pridie quām obiret morte, mors.
aboleuit vestigalia, quæ salinis & plærisque
rebus aliis imposuerat, non sine gemitu popu-
li. Priusquam decederet, libellus exiit Italicus
vehemens in illū atque grauis, titulo quidem
Bernardini Ochini: sed ab aliis, vti creditur,
compositus, cum præfatione ad Ascaniū Co-
lumnā, quem ille profligarat. Libellus hic in-
ter alia multa, quæ nimis lögum esset recitare,
sermonem ad eum cōuertit, & Antichristum
appellans, Innocētio Pontifice coniectus, in-
quit, in vincula fuisti, præsul iniquissimè, pro-
pter homicidia duo, & commissum parrici-
diū, matre nimirū & nepote tuo quodā vene-
no sublatis; vt omnis ad te conflueret hæredi-
tas. Quūmque deinde liber factus, nō dubita-
res ambire galerum purpurę, & ter essem à col-

Soror mea legio repudiatus, germana tua soror, Iulia Farnesia, tandem peruit. Qum enim copiam retrix Pauli Cardini sui non se facturam esse deinceps minaretur,

Alexander sextus Pontifex, offenditionem veritatis & iram illius, in Cardinalium te cœtum allegit. Alteram deinde sororem tuam, pro familiæ tuae consuetudine parum pudicam, interemisti quoque veneno. Per Anconitanam prouinciam quum esses legatus, Iulio secundo Pontifice, puellam eius ciuitatis nefariè circumuenisti, quando dissimulans quis esses, tēque pro nobili quopiam gerens ex legati familiaribus, illam vitiasti. Quod quidem facinus, puellæ patruus, cardinalis Anconitanus, Vrbe capta, coram Clemente Pontifice captiuo, tibi grauiissimis verbis obiecit. Nicolaus Quercæus, cum Laura Farnesia, tua nepte, coniuge sua, te congregidentem deprehendit, & pugione tibi vulnus incussit, cuius etiamnum cicatrix apparat. De filia tua Constantia, quicum toties rem habuisti, quid dicam? Etenim, vt ea liberius potiri posses, maritum eius Bosium Sfortiam sustulisti veneno. Qui quum nequitiam vestram animaduertisset, incredibilem animo dolorem concepit, nec vñquam postea visus est hilaris. Libidine profectò Commodum & Heliogabalum longè superas: idque tot spuriis tuis doceri potest. Filias suas Loth vitiauit, ignarus & ebrius: tu verò sobrius, non modò cum nepte, sed etiam cum sorore con-

Portento
se Pauli
libidines.

gressus

gressus es atque filia. Iam illud, quod in Fanen
sem episcopum admisit sceleratus ille tuus
filius Petrus Aloisius, quam est dictu fœdum
& horrendum facinus? Multa id genus alia
continentur in eo, quem diximus, libello, qui
typis procusus extat. Nunc ad mortuum reuer-
tamur. Nono post die cœptum est fieri funus
per dies nouem continuos. Interea Cardi-
nales absentes vndique ad urbem conuolant.
Erant omnino tres factiones Cardinalium: v-

Tres fa-
ctiones
Cardina-
lium.

na Cæsarisi, altera, regis Galliæ, tertia, Farne-
siorum. Galli, Tranensem, Saluiatum, Rudol-
phum, Lotharingum, Theatinum: Cæsariani
verò, Polum, Burgensem, Carpum, Cruce-
ium, Moronum, Sfondratum poscebant. Et de
Polo quidem atque Saluiato frequens fuit per
urbem excitata fama. Nam et si magno silentio
rem tegi volebant, neque foras efferri: tamen
quia subinde multi prodibant è conclavi, per
causam aut simulationem ægritudinis, non po-
tuit esse clam, & ad Cæsarem atque Galliæ re-
gem enuntiatum fuisse dicitur, quicquid age-
retur. Quò minus verò Polus rem obtineret,
Theatinum cardinalē obstitisse ferunt, quòd
diceret eum redolere Lutheranismum.

Quomodo per arbitros fuerit transactum
inter Episcopum Argentinensem atque sena-
tum, suprà diximus. Decreuerat quidem Epi-
scopus rem inchoare suis in templis ad Christi
diem natalem, & rationem clero præscripe-

M. D. L. rat, quam seuerentur. Sed quia non satis erant instructi, distulit in calendas usque Februario. Tunc in tribus illis templis, quæ senatus ei per transactionem concesserat, sacrifici cantiones suas atque preces vespertinas, & postridie Missam rursus inchoant, totos iam XXI annos intermissam. Ingens autem erat hominum concursus, maximè iuuentutis. Nam his omnibus nouum erat spectaculum & inauditum. Post meridiem, sacrificus quidam, accersitus aliunde, concessionem habet in æde primaria, non ita frequenti auditorio, tametsi nonnulli, velut in re noua, conuenerant. Ibi strepitum nescio quæ adolescens aliquis excitabat, hunc ex apparitoribus quidam obiurgat, & quasi cōprehensurus, instat. Mox tota iuuentus accurrit, & ut fieri solet, subitus oritur fremitus atque tumultus, dum quid rei sit omnes inquirunt, & hoc illuc per templum discurrent. Proceres Ecclesiastici satisfactionem senatus minime recipiunt, neque se vitam suam velle deinceps exponere tanto periculo dicunt, & irati postridie discedunt, & opus inchoatum intermitunt, & ad Episcopum profecti Tabernas, quæ sit ipsorum fortuna, queruntur. Sic ergo per aliquot menses deinde cessatum fuit. interea res ad Cæsarem defertur, ut suo loco dicemus. Multi putant illos tacitè fuisse gauilos, quod hæc ipsis in finum esset delata cessationis causa. Quandiu enim senatus interdi-

Tumultus
in æde Ar-
gentinensi.

terdicto fuit sublata Missa, liberrimè vixerant, & nulla cum molestia prouentus annuos percepérant integros. Nunc verò, cùm rursus ad laborem aliquem astringebantur, si tamen labor hic est dicendus, non illis ingrata fuisse putatur occasio, iugum hoc excutiendi. Præser-tim, quum suas actiones vulgo rideri & contemni, séque digitis commonstrari, & vehementer inuisos esse multitudini viderent. Senatus, inquisitione facta, nihil culpæ vlo in ciue deprehendit. Sub initium Febr. mensis, Anglici Gallicique legati conueniunt, pacis tractandæ causa. Nam amissis aliquot castellis, vt antè diximus, Angli erant in angustias con-iecti.

Per hos dies è carcere liberatus fuit Regis auunculus protector, quum id Regi per gratum esse viderent consiliarii: & quoniam Beruicensis Comitis impulsu potissimum captus fuerat, inita fuit hæc ratio, vt per affinitatem inter eos redintegraretur amicitia. Protectoris itaque filiam, Comitis Beruicensis filius in matrimonium ducit; deinde Beruicensis à Rege donatus est ducatu Northumbriæ. Sed non fuit hæc diuturna necessitudo, sicut infra dicetur. Romæ interim feruebant omnia studiis diuersis atque factionibus, vt antè docuimus. Farnesii imprimis toti in hoc erant, vt suarum partium aliquis crearetur: & initio quidem, Cæsarianis cardinalibus, vt a-iunt, se se cōiunxit Alexāder, Pauli nepos, eiūs

Protector
Anglie
carcere li-
beratur.

que clientes aliquot Cardinales, Pauli pontifi
cis beneficiarii. Cùm autem Gallicani sua suf-
fragia darent Saluiato Florentino: veritus ille,
ne proximis comitiis renuntiaretur Saluiatus
Pontifex, ad ipsorum partes accessit, primùm
stipulatus ab eis, quemadmodum pro certo di-
citur, ut Saluiatum præterirent. Hac demum
Mōtanus
electus
Pontifex. ratione, Ioannes Maria Montanus, quem Tri-
dentiatque Bononiæ præfectum fuisse concil-
lio diximus, Februarii die septimo creatur
Pontifex. Is autem semper & Gallicarum partiū, & Farnesiæ domus fuerat habitus studio-
fissimus. Eodem tempore Galliæ regis
prodiit editum in Lutheranos: pœna quoque
decernitur in iudices, qui remissius in illos in-
quiererent ac vindicarent. Biduo pòst, au-
ream, vti vocant, portam aperit Pontifex, ad
quam infinita erat hominū turba, conseguen-
dæ peccatorum remissionis causa. Malleo-
lo Pontifex aureo portam ferit, sic enim habet
ceremonia: quem deinde honoris causa largiri
solet alicui. Nouus Pontifex, galerum suum
cardinalitium, cui vult, largitur antiqua con-
suetudine. Iulius autem, quo tempore Bononiæ
fuerat legatus, in delitiis habuerat adole-
scentem quedam, Innocétium. Hunc, tametsi
reliqui minus probarent, imò reclamarent, in
Cardinalium adoptauit collegium, & in do-
mesticam consuetudinem ruris admisit, ei-
que cognomen suum & insignia quoque attri-
buit.

buit. Romæ fama erat, & libellis quoque perscriptum fuit, à Ioue Ganymedem foueri, licet deformem. Sed nec ipse Pontifex hoc ad reliquos Cardinales dissimulare, & per iocum fertur aliquando commemorare, quām sit laetus adolescens & importunus. Martii die XIII. Cæsar scribit ad ordines Imperii, velle se conuentus agere ordinum Imperii. Quamobrem mandare, ut ad XXV. Iunii diē, Augustæ Vindelicorum sibi præsto sint omnes.

LIBER XXXI.

A D hoc tempus Anglici Gallicique legati, quum diu rem disceptassent, pacem faciunt. Boloniam igitur Angli, totos ferè sex annos iam occupatam, Gallis restituunt, non sine plurimorum admiratione: Galli verò pecuniam illis dependunt. In ea pace comprehensi fuerunt Scotti. Magdeburgici, cum crebris editiis peterentur à Cæsare, Martii die XXXII. rursus aliud scriptum, ad vicinos potissimum euulgant. Primo docent, neque diuino nec humano iure se posse conuinci rebellionis: postea demonstrant, eos, qui contra se sumunt arma, bellum ipsi Christo facere: tertio loco refutant obiecta crimina, & calumnias esse docent aduersariorum. Postremo, vim & arma deprecantur, & si res ita ferat, à finitimiis auxilia quoque petunt. De turba nuper excitata, sicut diximus, Argentina, in

Magdeb.
Scriptum.